

# Misjonsstykket «Ekjowe»

Fra boken «Misjonsarbeid i Lyngdal gjennom 100 år»



Misjonsstykket «Ekjowe» i 1990.

Dette misjonsstykket vart innkjøpt av misjonsforeninga i 1880 for vel 500 kroner. Årsmeldinga for dette året fortel at dei alt fyrste året avla om lag 20 tunner poteter og noko høy, og at bortimot halvparten av kjøpesummen var skaffa til vegar. Den 21. november 1880 hadde misjonsvenene møte på Berge, der det kom inn 100 kroner til misjonsstykket.

Av rekneskapane går det elles fram at misjonsstykket ikkje vart betalt av dei ordinære misjonsinntekter, men ved omfram innsamlingar og av inntektene av misjonsstykket.

I årsmeldinga for 1881 heiter det: «Misjonsstykket «Ekjowa» der har kostet foreningen litt over kr. 500 er nu betalt, og dette års grøde antages at komme til at udgjøre lidt over 120 Kroner, som muligens dette året må anvendes som bidrag til stykkets forbedring og forsyning med huse».

Misjonsforeninga kjøpte stykket etter Martine Øygarden. Ho hadde butt i eit lite hus der like til ho døydde. Oline Martine Olsdtr. Øygarden fann sin død den 16. novbr. 1879 på den måten at ho om kvelden skulle ro over elva. Der rodde ho pråmen på grunn og vann ikkje få han av att. Om morgonen fann dei henne ihelfrossen. Martine Øygarden hadde kjøpt stykket av Lyngdal fattigkommisjon, som hadde overteki det etter Åsmund Bergson då han reiste til Amerika.

Det var lensmann Konsmo som stod i brodden for kjøp av stykket. Opphaveleg var det eia husmannsplass under Berge. Ved skylddeling fekk stykket ei revidert skyld av 6 skilling. Garantien for kjøpesummen vart gje-

Uthuset fra 1887 står ennå.

